

九江府志卷之八

職官志

祀典

府治城隍廟

在泰寧坊去府治東二百餘步先是建於郡東北宋宣和壬寅歲遷此歷開禧

淳祐多有更修至元皇慶壬子又新之草廬吳澄

記曰城隍郡縣之土神也神之祭有社又有城隍

何也社兼祭五土而城隍專於城隍也夫祭典莫

重於天地然天尊而地親尊者惟一人得祀親者

人人得祭也故有天下者祭祀於北郊又祭之於

社有國者祭於社而已大夫反土庠人所居之里

置社其祭土神以報地一也而地有廣狹之不同

王社大社天下之土神也侯社國社一國之土神

九江府志卷之八

一

也里社者一里之土神國立社而家立中霤霤者

一家之神也蜡以祭四方百物雖防水瀦水之庸

咸得與祭古人於報地之禮周且悉也若是地之

險山川丘陵而建邦設都必依險以為固或因山

與丘陵以為城平地則累土築城以擬山之險或

因川以為隍燥地則掘土浚隍以擬川之險曰城

曰隍其名肇於古史之造字其用著於周易之繫

爻其所由來遠矣而禮經國典無祭城隍之文儒

者謂社祭山林川澤丘陵墳衍原隰則城隍固在

其中然予竊有疑焉防與水庸尚於祭社之外有

專祭城隍以扞寇敵以保人民其功豈出於防與

水庸之下而獨不專報其功乎今郡縣各有城隍

祠所謂禮雖先王未之有可以義起者其若此類

也夫土神當祭於壇墀而城隍祭於廟予嘗求其

義矣蓋祭必有配社以勾龍氏而爵尊齒尊德尊

之人徃徃歿而得祭於里社俗稱土地神是也里

人或爲之立廟故城隍之有廟殆亦以樓配食者之靈試以祀天之禮喻祭地之禮祭社於壇而配以人猶南郊之祀天也祭城隍神於其配食之廟則猶明堂之祀帝云爾江州地扼荆楊之交面崇巒皆大瀆其城其隍山川自然之險形勢之雄他郡莫與倫也城隍配食之人相傳以爲漢丞相穎陰侯灌嬰郡志言高帝六年侯築湓口城即今江州地則侯之配城隍也宜或謂他郡城隍亦皆侯配食豈以侯嘗定豫章諸郡而然歟舊江州城隍廟在郡治東北民之祈禱不便宋宣和壬寅郡守遷於今所歲久屋敝淳祐己酉沿江制置使其屬帥郡民修完之門外豎景福樓巍然臨乎衢有錢氏者先世河北人名安道紹興初江淮招討使張浚命之世掌城隍祠其來孫大通攻陰陽方技涉三教緒言熟諳人情世務士大夫喜與游病廟地窄隘弗可以恢廓勤力經營市廟後民地數

九江府志卷之八

二

畝與造寢殿材鉅工良視前構有加修廣穹窿與外樓稱翼以兩廡規制偉然家無銖兩斗斛之儲好善樂施者相與損貲以就其志非其誠足以感乎神才足以動乎人何以能壯麗其神之居以至於此哉皇慶壬子創始延祐己未落成值予過江州大通請紀歲月予嘉其爲人遂不辭而叙古今祀典之大槩以俟後之議禮者攷焉 **國朝**洪武初知府龔琬林宗得相繼創建永樂壬辰知府孔復成化癸巳知府謝峻以敝皆修焉今有堂有兩序有齋所有門樓有後寢規制勝皆以知府李從正葺之時正德八年也

社稷壇

去府治東北一里許故景德寺址按舊志 **宋**在迎恩坊外元季兵燬 **國朝**洪武二年復於知府龔琬八年知府周文質遷今所十二年知府星吉重修弘治三年知府童潮因敝葺之

壇高三尺東西二丈五尺南北如之四出陛三級壇下前十二丈東西西南各五丈四門一壝繚以周垣左社右稷以石為主長二尺五寸方一尺埋于壇南正中上露尖圓神厨在壇之西庫房宰牲房在壇之西北洗牲池在宰牲房前齋宿所在庫房之北歲時蒞茲土者祭禮若器若品皆如制其各里社壇屬德化縣者十有七所祀五土五穀之神祭畢有飲飲眾有詞因以導民為善云

風雲雷雨山川壇 在城南門外二里洪武二年知府龔琬立規制與社稷壇同

郡厲壇 在望京門外洪武二年知府龔琬建東西五丈一尺南北如之壇高三尺方四丈四尺出陛三級繚以周垣壇右立祭文碑有亭左為宰牲房三間西南界為洗牲池方丈許以石甃砌正德間亭房俱廢基存歲祭者三以清明日孟秋望孟冬朔外德化縣各鄉厲壇凡十有三所

九江府志卷之八

五

燾神廟 在衛廳左十餘步洪武間指揮陸旺建廟宇三間內設軍牙六燾神位歲霜降日致祭天順間指揮孫睿重建歲久傾圯弘治間指揮劉勳復之嘉靖十二年兵備副使劉可命工鼎建

陶桓公祠 按舊志在府城東今廢

龍溪廟 在甘泉鄉七里岡祀陶侃溪水自廬山發源入鶴問賽湖旱禱之輒應

啓聖祠 在府學門內左嘉靖十年知府馬紀奉勸合鼎建祠堂三間祀孔顏孟父封謚神位於中繚以磚垣門樓一座德化縣學制同在櫺星門內右知縣俞闡建

靖忠祠 在府學蓮花池南成化五年知府蘇致中建祀晉陶淵明唐狄仁傑有記見書院志

提學副使邵寶詩云歲時江郡薦江蘋異代衣冠畧近真九死竟還唐社稷一生惟識晉君臣菊松

尚擬他年晚桃李聊增此地春莫道近來公論少廟門題額是何人

靖節祠

在楚城鄉柴桑山下去城九十里今廢惟遺舊碑題曰晉陶靖先生故里嘉靖十二年巡按御史李循義檄知府馬紀出帑贖銀百兩命

同知黃敏才督建祠宇坊牌唐白居易詩今來訪舊宅森若君在前不慕樽有酒不慕琴無絃柴桑

古村路栗里舊山川不見籬下菊但餘爐中煙顏

真卿詩

嗚呼陶淵明奕葉為晉臣自以公相後每

懷宗國迺題詩甲子歲自謂羲皇人手持山海經

頭戴漉酒巾朱熹詩予生千載後尚友千載前每

尋高士傳獨歎淵明賢及此逢醉石謂言公所眠

况復岩壑古縹緲藏風煙仰看喬木陰俯聽橫飛

泉景物自清絕優游可忘年結廬倚蒼峭舉觴耐

潺湲臨風一長嘯亂以歸來篇彭元亮詩醉倚滄

江看落花阿舒扶上短轅車山河萬里皆劉裕五

九江府志卷之八

四

柳春風自一家鄧善之詩詩中甲子春秋筆籬下

黃花雨露枝更向斜川頻載雨風光不似義熙時

白居易祠

按一統志在本府城西湓浦門內徐鉉有記久廢

四賢祠

在府治東四牌樓口弘治六年知府童潮建祀漢宋均晉陶潛唐白居易狄仁傑廢

名宦鄉賢祠

舊為靖忠書院嘉靖十三年知府馬紀改為二祠鼎建東向記見學校志

周濂溪祠

在廬山之麓舊為書院國朝正統初有司肖濂溪先生像於內祀之後荒蕪

弘治間大新之典儀俱備事詳書院并墓志時提學副使邵寶奏於朝其疏曰謹按周惇頤生於有

宋上契列聖下啓群儒語其時真而復元論其地大而將化開人之功萬世允賴無庸贅述乃若九

江之地生寓精神歿藏體魄實與故里相類顧百年以來墓與書院久廢初復而祀不在典誠為未

稱惟昔范文正生於蘇而葬於洛二處皆有祠祀
崇名相也岳武穆生於相而葬於杭二處皆有祠
祀崇名將也我國家於貞忠勲德禮數加隆至
於如此識治君子皆以爲當况道學大儒如惇頤
哉惇頤之後稱大儒者曰朱熹熹貫於婺源產於
建陽祠祭之典二處兼舉臣愚竊謂惇頤之於九
江如婺源如建當比其一今墓與書院既各修理如
故如蒙聖明重念周氏之學爲世宗師表章曠墜
實繫觀望乞勅禮部查檢朱熹婺源建陽事例
就行書院賜以春秋二祭定式擬祝行令有司以
時行事仍於隣近無碍田內撥給四五十畝以爲
其裔孫守墓之贍非特一方斯文之觀實天下萬
世之幸也臣承乏教事欽奉勅諭以崇正學爲
要惟茲祀事實其一端雖懼煩瀆不敢不請臣無
任戰慄之至上可其奏令春秋祭如儀以程灝
程頤配之頤祭文曰惟公闡明道學上契古先

九江府志卷之八

指授圖書下開統緒功紹六籍名垂兩間體魄攸
藏光霽如在茲者仲春秋令月薦事有期國典
肇稱司存是寄駿奔
敢後嚮徃彌深尚享

岳武穆王祠

在府治南清軍館左舊爲岳飛池正德七年知府李從正建前有牌坊題

額堂中塑像扁曰文武忠孝嘉靖十二年同知黃敏才新建捲棚三間於堂前門垣修飾竝立廟貌赫然布政使鄭岳詩云石磬方池幾百年岳王舊宅世猶傳格天高閣今安在葛嶺荆榛野雉眠

岳母祠

在白鶴鄉正德十二年知府汪穎即墓所建祠祀之其材石費士人陳濟助焉

李文忠公廟

在府治東豐儲坊祀元總管李黼賜額曰崇烈舊在四牌樓口弘治三年

知府童潮遷此復以姪秉昭配焉學士周叙記曰有元之季青陽余公闕守安慶孤城與賊力戰百

餘屹然爲江淮保障者幾七年糧盡援絕死之妻
子偏裨皆不屈相從以死當時江州李公黼守上
流預料時危修城訓兵爲備禦計賊不能逾匡廬
彭蠡以窺江右者黼之功也卒之力盡不支先余
公城破死之於乎悲夫余嘗謂唐之亂也賊起於
朔方顏泉卿奮義河北張巡許遠力守睢陽皆先
後相繼死賊而唐遂以中興元之亂也賊起於南
方李之江州余之安慶與顏張甚相似其死也不
能救元之亡何哉於此足以見其君臣政治得失
紀綱振靡不但其國家之德澤淺深足徵而已盖
唐雖明皇晚年耄荒而代以肅宗有郭子儀李光
弼諸臣爲之輔紀綱賞罰尤秩然可仰元順帝在
位荒淫日久百度廢弛當時群臣靡然相師號令
不明賞罰不嚴淪溺敗壞不可救藥雖有二君子
之烈如唐顏張輩不能補其亡也此其所由異歟
於乎悲夫余嘗過安慶知青陽事甚悉獨江州每

九江府志卷之八

六

嘆未嘗一至茲奉命往使衡湘獲經二郡徘徊
於大江層城之間英風壯節凜然可想乃爲詞一
章以弔之嗟夫使元紀綱稍振則公之死豈徒然
哉詞曰凝遙睇兮江州屹孤城兮上流弔英魂兮
何在慨元政兮不修政不修兮佚遊偉郡侯兮良
籌訓兵兮繕甲擁猛士兮貔貅群兗張兮援絕天
不祚兮奚尤臨大節兮不奪凜勁氣兮橫秋峙匡
廬兮峩峩渺九江兮悠悠君令名兮同永增余心
兮煩憂童潮記曰我

太祖高皇帝重死節之士命天下有司各於死所立
廟祀之元李文忠公黼祀於九江之郡遵祀典
也祠舊在府治東四牌樓之八角石洪武十三年
知府星吉公建元舊址也歷今百有餘年廟貌傾
頹甚非妥神之所予於是遷祀於豐儲坊清風閣
之隙地祠宇門廡一如舊制而規模則加三之一
焉實弘治三年夏月吉也考宮之日僉謂予宜識

其事於石以垂不朽予惟江南淫祀自古爲多唐狄仁傑奏毀一千七百所惟存夏禹太伯季札伍貧四廟曰毋使無功血食以亂明哲之祀今江西淫祀奚但千七百所哉盖家祀而户饗也孰知正明哲以崇之李公之忠即伍員之忠也伍員欲信其言而怒君以蹈白刃君子不爲也狄公尚取以爲明哲而厠於三廟之列視我李公殺身報國之功盖徑庭也夫元以夷狄入主中夏以其俗爲治三綱淪九法斃至其季葉人類已殄爲禽獸矣正所謂天地閉賢人隱之時也而李公非有威順王之貴戚也非有孛羅帖木兒之重寄也亦非有平章和尚宣尉不花之要兵也乃不爲其俗之所變執君臣之義以至於死萬世之下仰之如孔氏之門食焉下避其難之徒雖不足以救元之國脉而實足以昭民之秉彝也世之說詩者以山甫保身爲明哲遂使投閣偷生之雄作反騷以笑靈均不

九江府志卷之八

七

知靈均明哲乎楊雄明哲乎使山甫遇李公之時保身乎殺身乎善死生之道者明哲也李公可謂善死生之道矣郡有明哲之祀二狄公與公也狄公爲彭澤尹在唐有明哲保身之忠公爲江州守五在元有明哲殺身之忠狄公生於今日必取公以事載國史甚詳故不贅因系以詩使巫陽歌以招之詞曰元祚衰兮四海沸一舉目兮江河異卓哉公兮忠且義當車轍兮奮螳臂身雖死兮名不逝篤民彝兮千萬世肆春秋兮恭祀事魂颯然兮薰蒿之際元成廷珪詩云將帥倉皇忽棄城孤忠何以獨支撐尚聞傳檄詠狂寇猶喜開倉舉義兵千古報君心不死九江圖像面如生只今月黑廬山下彷彿悲風有戰聲國朝劉基詩云江州太守文儒宗罵賊就死真從容天翻地覆元氣在斯人千古其猶龍提學副使邵寶詩云江上孤城力欲

支忽驚風急，仆旌旗已無天。訴吾窮矣，幸有人書某死之不負大魁真。此地終為厲鬼，是何時憑誰

合祀余安慶再刻文山雙廟祠

德安縣城隍廟

在縣西三十步。宋淳熙七年知縣劉允迪建。元因之。壬辰兵燬。國朝洪

武七年知縣馮袞仍於舊址建立。有殿有寢有廊。有門。永樂十年縣丞貢徵重修。嘉靖三年知縣梁

一桂昇建遷後二十步

社稷壇

在縣北一里許。洪武二年知縣曹景輝建。制禮與郡同。各鄉社壇二十有一所。

風雲雷雨山川壇

在縣南塘之側。洪武二十年知縣曹景輝建。廣狹如郡制。

邑厲壇

在縣東一里許。洪武五年知縣曹景輝建。如郡制。各鄉厲壇凡七處。

九江府志卷之八

八

五賢祠

按一統志云：宋郡守李澗、楊沂王、程李邦獻、李若川五人，多遺惠民，為立祠祀之。久

廢

瑞昌縣城隍廟

在興教坊去縣西一百步。洪武八年知縣李鳳建成。化八年知縣傅思勉

修正德八年知縣黃源大重建其規制與德安同

社稷壇

在縣西北一里許。舊在白龍橋之左。洪武二年知縣黃顏遷。今所各鄉社壇十有三

處

風雲雷雨山川壇

在縣治南半里許。舊在小南街之西。洪武二年知縣黃顏因舊

址為之。正德七年知縣黃源大遷此

邑厲壇

在望仙橋去縣治北一里許洪武三年知縣黃顏建又置各鄉厲壇十有四所大約

遵制為之

二賢祠

即元次山祠在蒼城墩去治一里許宋縣令吳審禮建祀唐元結後蘇東坡過此賦

詩於壁嘉泰三年縣令洪均偲因以東坡附於次山改號二賢祠後廢 **國朝**正德間教諭聊珠倡

生徒捐貲復之

湖口縣城隍廟

在縣西北五十步 **唐宋**二代建于治旁 **歷元**至正遷于茲後燬 **國朝**洪

武元年知縣郝密重建景泰成化間繼修弘治五年知縣周灝加葺之

社稷壇

在縣北湖塘山後之下 **元**縣令張士熙建 **國朝**洪武六年知縣趙祥因燬新之成

九江府志卷之八

九

化間知縣李嵩遷于縣南弘治間遷于茲其各里社壇一十五所制與瑞昌同

風雲雷雨山川壇

在縣治南上石鍾山後虹橋之側洪武六年知縣鄭原珎立

邑厲壇

在縣治北一里許下鍾山之左洪武二年知縣郝密立其各里厲壇凡三焉

陶靖節祠

在三學士寺前 **元**縣尹孫文震建 **學士** **吳寧**記曰晉靖節陶先生家潯陽之柴

桑嘗為彭澤令後析彭澤創湖口縣湖口亦彭澤也故其境內往往有靖節遺跡孫侯文震宰湖口因行其鄉至三學寺民間相傳以為靖節讀書之地旁有望月臺址猶存乃出俸錢屋于臺基之上且就縣學東偏建祠堂三間以祀先生湖口小邑凋弊特甚扼江湖之會當驛置之衝侯興補滯廢應接往來精神光昭意氣閑暇為難若易任勞若逸固其才畧之優而又追慕先賢尊崇表章以勵

未俗是豈俗吏所能爲者值余舟過湖口而請紀其事竊爲靖節先生高志遠識超越古今而設施不少槩見其令彭澤也不過一時牧伯辟舉拔授俾得公田之利自養如古人不得已而爲祿者爾非受天子命而仕也曾幾何時不肯屈於督郵而去克此志節異時詎肯忍耻於二姓哉觀述酒荆軻等作殆欲爲漢相孔明之事而無其資責子有詩與子有疏志趣之同苦樂之安一家父子夫婦又如此夫人道三綱爲首先生一身三綱舉無愧焉忘言於真意委運於大化則幾於同道矣誰謂漢魏以降而有斯人者乎噫先生未易知也後人於言語文字間窺覘其髣髴而已然先生非有名位顯於時有功業著於後而千載之下使人拳拳不忘其何以得此於人哉予於孫侯之爲惡乎而不喜談樂道之也侯燕人所至有廉能聲 **國朝**初仍舊後壞正德五年僧人熊璽募財重建左有

九江府志卷之八

十

翫月臺右有洗墨池又有流觴曲水遺跡

彭澤縣城隍廟

在興賢坊鳳凰山下洪武元年知縣黃安太建

社稷壇

亦在鳳凰山下縣之西洪武二年立後八年知縣解宣如制改置其各里社壇二十

二處

風雲雷雨山川壇

考宋元在縣治南普明坊 **國朝**洪武初仍於故址置焉

邑厲壇

在靖節坊去縣治東北二里許建自洪武三年知縣黃安太若太平五柳建安新興

四鄉各有厲壇云

陶侃廟

在新興鄉亦祀陶桓公於內

陶狄二賢祠

在縣治南唐景龍中建祀陶潛狄仁傑後移縣因廢元江州守周錯復

合祀之有記云使後之君子隱則當以淵明爲式仕則當以梁公爲師

狄梁公廟

在縣北五柳鄉仁傑令彭澤歲旦縱囚三百人還家後皆如期就獄遂奏釋之

衆囚感德立生祠運土成山不旬日而成宋范仲淹記云天地閉孰捋闢焉日月蝕孰將廓焉大廈

仆孰將起焉神器墜孰將舉焉巖巖乎克當其任者惟梁公之偉歟公諱仁傑字懷英太原人也祖宗高烈本傳在矣公爲子極于孝爲臣極于忠忠孝之休揭若日月者敢歌于廟中公嘗赴并州椽過太行山反瞻河陽見白雲孤飛曰吾親在其下久而不能去左右爲之感動詩有陟岵陟屺傷君子于役弗忘其親之深嗟吁乎孝之至也忠之所繇生乎公嘗以同府椽當使絕域其母老疾公謂

九江府志卷之八

之曰柰何重太夫人萬里之憂詣長史府請代行時長史司馬方眦睡不協感公之義歡如平生吁嗟乎與人交而先其憂况君臣之際乎公爲大理丞決諸道滯獄萬七千人天下服其平武衛將軍權善才坐伐昭陵栢高宗命戮之公執奏不却上怒曰彼致我不孝左右策公令出公前曰陛下以一樹而殺一將軍張釋之所謂假有盜長陵一坏土則將何法以加之臣豈敢奉詔陷陛下於不道帝意解善才得恕死吁嗟乎執法之官患在少恩公獨愛君以仁何所存之遠乎高宗幸汾陽宮道出妬女祠下彼俗謂盛服過者必有風雷之災并州發數萬人別開御道公爲知領使曰天子之行風伯清塵雨師灑道彼何害焉遽命罷其役又公爲江南巡撫使奏毀淫祠千七百所惟存夏禹太伯季子伍員四廟曰安使無功血食以亂明哲之祀吁嗟乎神猶正之而况於人乎公爲寧州刺史

能撫戎夏郡人紀之碑及遷豫州會越王亂後緣坐七百人籍沒者五千口有使趣行刑公緩之密表以聞臣言似理逆人不言則孤陛下好生之意表成復毀意不能定彼咸非本心惟陛下矜焉敕貸之流于九原郡道出寧州舊治父老迎而勞之曰我狄使君活汝輩即相携哭于碑下齋三日而去吁嗟乎古謂民之父母公則過焉斯人也死而生之豈父母之能乎時宰相張光輔率師平越王之亂將士貪暴公拒之不應光輔怒曰州將忽元師耶對曰公以三十萬衆除一亂臣彼脅從輩聞王師來乘城而降者萬計公縱暴兵殺降以爲功使無辜之人肝腦塗地如得尚方斬馬劍加于若頸雖死不恨光輔不能屈奏公不遜左遷復州刺史吁嗟乎孟軻有言威武不能屈是爲大丈夫其公之謂乎公爲地官侍郎同鳳閣鸞臺平章事爲來俊臣誣構下獄公曰大周革命萬物惟新唐朝

九江府志卷之八

十二

舊臣甘從屠戮因家人告變得免死貶彭澤令獄吏嘗抑公誣引楊執柔公曰天乎吾何能爲以首觸柱流血被面彼懼而謝焉吁嗟乎陷奔之中不義不爲况廟堂之上乎契丹陷冀州起公爲魏州刺史以禦焉時河朔震動咸驅民保郭郭公至下令曰百姓復爾業寇來我自當之敵聞風而退魏人爲之立碑未幾入相請罷戍疏勒等四鎮以肥中國又請罷安東以息江南之饋輸識者韙之北狄再寇趙定間公出爲河北道元帥狄退就命公安撫大使前爲突厥所脅者咸逃散山谷公請曲赦河北諸州以安反側朝廷從之吁嗟乎四方之事知無不爲豈虛尚清談而已乎公在相日中宗幽房陵則天欲立武三思爲儲嗣一日問群臣可否衆皆稱賀公退而不荅則天曰無乃有異議乎對曰有之陛下命三思募武士歲時不滿數百人及命廬陵王代之數日之間應者十倍臣知人

心未厭唐德則天怒令策出之又一日則天謂公曰我夢雙陸不勝者何對曰雙陸不勝宮中無子也復命策出之又一日則天有疾公入問閤中則天曰我夢鸚鵡雙翅折者何對曰武者陛下之姓相王廬陵王則陛下之羽翼也是可折乎時三思在側怒發赤色則天以公屢言不奪一旦感悟遣中使密召廬陵王矯衣而入人無知者乃召公坐簾外而問曰我欲立三思群臣無不可者惟候公一言從之則與卿長保富貴不從則無復得與卿相見矣公從容對曰太子天下之本一搖而天下動陛下以一心之欲輕天下之動哉太宗百戰取天下授之子孫三思何與焉昔高宗寢疾令陛下權親軍國陛下奄有神噐數十年又將以三思爲後如天下何且姑與母孰親子與姪孰近立廬陵王則陛下萬歲後享唐之血食立三思則宗廟無祔姑之禮臣不敢愛死以奉制陛下其圖焉則

九江府志卷之八

十三

天感泣命褰簾使廬陵王拜公公隕絕于地則天命左右起之拊公皆曰豈朕之臣社稷之臣也已而謂曰今日國老與汝天子公哭奏曰還宮無儀孰爲太子復置廬陵王於龍門備禮以迎中外大悅吁嗟乎定天下之業斷天下之疑其至誠如神雷霆之威不得而變乎則天嘗命公擇人公曰欲何爲曰可將相者公曰如求文章則今宰相李嵩蘇味道足矣豈文士齷齪思得奇才以成天下之務乎荊州長史張柬之真宰相才誠老矣一朝用之尚能竭其心乃召拜洛州司馬他日又問人於公對曰臣前言張柬之雖遷洛州猶未用焉改秋官侍郎及召爲相果能誅張易之輩反正中宗復則天爲皇太后吁嗟乎薄文華重才實其知人之深乎公之勲德不可備言有議論數十萬言李邕載之別傳論者謂松栢不夭金石不柔受於天焉公爲大理丞抗天子而不屈在豫川日拒元帥而

不
下
及
居
相
位
而
能
復
廢
主
以
定
天
下
之
本
豈
非
剛
正
之
氣
出
乎
誠
性
見
乎
事
業
當
時
優
游
薦
紳
之
中
顛
而
不
扶
危
而
不
持
者
何
足
道
哉
故
系
之
云
商
有
三
仁
弗
救
其
滅
漢
有
四
皓
正
於
未
奪
嗚
呼
武
暴
如
火
李
寒
如
灰
何
心
不
隨
何
力
可
回
我
公
哀
傷
拯
天
之
亡
逆
長
風
而
孤
鸞
逝
大
川
以
獨
航
金
可
革
公
不
可
革
孰
爲
乎
剛
地
可
動
公
不
可
動
孰
爲
乎
方
一
朝
感
通
群
陰
披
攘
天
子
既
臣
而
皇
天
下
既
周
而
唐
七
世
發
靈
萬
年
垂
光
噫
非
天
下
之
至
誠
其
孰
能
當
宋
趙
抃
詩
賢
正
屯
蒙
日
陰
邪
會
用
時
人
從
萬
死
過
誰
爲
一
言
危
毒
意
回
天
后
忠
誠
薦
東
之
復
唐
三
百
載
留
得
枕
江
祠
王
十
朋
詩
武
火
方
炎
李
欲
灰
忠
良
何
力
可
能
回
斗
南
人
有
擎
天
手
爲
向
虞
淵
取
日
來
元
重
建
滕
賔
記
畧
曰
余
嘗
讀
唐
史
至
則
天
武
后
稱
狄
仁
傑
曰
公
社
稷
臣
信
乎
則
天
蓋
亦
知
公
深
矣
公
直
言
大
節
撥
亂
反
正
使
唐
三
百
年
天
下
如
不
周

九江府志卷之八

十四

既
觸
而
屹
乎
擎
天
之
一
柱
三
神
已
搖
而
歸
乎
負
海
之
六
鰲
不
然
當
時
豈
無
李
嶠
蘇
味
道
輩
文
雅
風
流
浮
沉
俯
仰
唐
之
天
下
周
矣
是
以
天
地
著
其
誠
鬼
神
畏
其
烈
而
臣
子
景
慕
其
忠
孝
則
彭
澤
之
有
祠
有
碑
隱
然
世
道
人
物
之
所
繫
有
足
以
證
不
死
之
在
人
心
者
嗚
呼
自
公
謫
令
於
斯
距
今
七
百
禩
瞻
仰
如
新
水
旱
必
禱
公
之
精
靈
眷
眷
斯
土
抑
如
水
在
地
中
無
所
往
而
不
在
也
皇
慶
初
元
翰
林
學
士
買
住
簡
齊
公
通
議
大
夫
長
江
州
郡
侯
按
邑
見
祠
宇
傾
圮
亟
捐
俸
度
工
撤
而
新
之
翬
飛
改
觀
士
民
忻
悅
請
記
其
事
余
惟
公
相
業
著
在
史
冊
文
正
范
公
筆
之
已
詳
彭
澤
之
人
與
夫
四
方
上
下
之
士
誦
之
習
矣
古
者
鄉
大
夫
歿
而
祭
於
社
公
爲
社
稷
臣
宜
乎
廟
食
百
世
豈
但
祭
于
社
而
已
乎
禮
有
捍
菑
禦
大
難
者
則
祀
之
公
之
勲
烈
與
天
地
不
朽
日
月
爭
光
豈
止
一
峯
捍
禦
之
勞
哉
獨
惟
侯
之
爲
郡
寔
能
廣
公
爲
邑
之
心
下
車
及
令
民
懷
其

德吏畏其明獄訟以平饑饉以濟其立朝則清自許於治郡則政教並行睹前賢往哲則企慕以及高山仰止景行行止諒不獨於梁公爲然初公使江南安撫時奏毀淫祠千七百所惟存夏禹太伯季子伍員四廟曰毋使無功血食以亂明哲之祀今侯之爲郡所崇祀未及他而首營繕公廟以慰民望其亦尊明哲之意而以事公也又按公在彭澤時值歲告歉公曰天也令可諉責乎䟽於朝蠲其租民悅又縱囚三百餘令歸度歲如期果還凡可以惠彭澤之民者無一不至而范碑闕之故予又書其事於末以見公之得祠於是邑也以此噫廬山蒼蒼我思太行後先相望侯之德何可忘此重修記之所由作也

鄉賢祠

在縣治南久廢嘉靖二年知縣李孟燾建于二賢祠右祀鄉先生張夢祥顏希孔李

九江府志卷之八

十五

時歐陽尚誠歐陽尚八黃信劉隆歐陽珍劉槩于內傳見人物志

附民祀神廟

九江王黥布廟

在府治北福星門外

祖將軍廟

按舊志唐歐陽占集云魯國顏公頃爲湖州牧州產碑材公載石還次江州蛟奔螭引直至湖心則茂林峭石勢環氣騰有神祠曰祖將軍廟公異之遂捐金建亭名曰祖亭制文勒碑以記其事今廢失其處

龍王廟

舊在湓浦門外茶引所之旁今廢外湖口縣亦有之

天妃廟

在城北臨於江滸宣德間九江衛建

蕭公廟 在江之北去郡城三十里許

大孤山廟 在仁貴鄉大孤山頂建自宋興隆間國朝洪武初又新之

東嶽廟 有四一在府治東即唐景星書院舊址一在德安義豐山下

在湖口上鍾山後各以祀山阜之靈亢旱禱焉

顯濟廟 在瑞昌安太鄉去治四十里許宋嘉太間建勅畧云潛龍在淵為帝司雨已昭靈宇

之佳名蓋龍元侯之顯號可封孚澤侯

白楊廟 在瑞昌甘露鄉寒食嶺下去治四十五里祀宋昭勇侯

西峯古靈祠 在湖口五侯山之西故名

九江府志卷之八

十六

李武大仙祠 在湖口黃山嶺亢旱祈禱有應

小孤湫廟 在彭澤太平鄉澎浪磯上宋興隆間建祀小孤之神

上元廟 在彭澤太平鄉馬當山建自唐貞觀宋元因之國朝重建

郵政

府治德化縣

養濟院 洪武初以上命建於府東街半里許收養民無告者人月給米三斗冬夏給布故

者給棺瘞之院以歲久壞正德間知府李從正新之東西各十五間前有牌樓扁曰養濟

預備倉 在府治半里許鍾樓之下前門三楹中立官亭東西隅各六廩迤前又六廩贖罪者

輸穀於內歲有守者歉則散之於民稔則儲之於官若周官之法然

東倉 在德化鄉

南倉 在甘泉鄉

西倉 在赤松鄉

北倉 在仁貴鄉

以上四倉舊立今廢址存

惠民藥局 弘治間知府高友璣於治前左數步構醫學中為局門垣俱備嘉靖八年知府

馬紀蒞任見民多災疫每歲市藥掄醫於局貧病者隨取隨給遠近之人賴以痊活者衆

新義塚 舊在山川壇嶺上歲久葬滿嘉靖十三年知府馬紀市東西地五畝餘名櫨杜灣以給貧葬時論稱便

九江府志卷之八

十七

德安縣

養濟院 舊在縣治之南正德十年知縣陳錦以築城有坊遷於山川壇之左

預備倉 在縣治之右嘉靖二年知縣梁一桂創

東倉 在長樂上鄉

南倉 在長樂下鄉

西倉 在敷陽上鄉

北倉 在敷陽下鄉

惠民藥局 在縣南大街之西即醫學中有局做郡制也

義塚 在縣治南半里
許俗名亂葬崗

瑞昌縣

養濟院 在東山
寺右

預備倉 在東山
寺北

東倉 在安
太鄉

南倉 在清
溢鄉

西倉 在歸
義鄉

北倉 在金
城鄉

九江府志卷之八

十八

新南倉 在王
仙鄉

新西倉 在洪
上鄉

惠民藥局 在縣治
鼓樓外

義塚

湖口縣

養濟院 在縣治之東北
德間知縣章玄梅重建

東倉 在彭
澤鄉

南倉 在五
柳鄉

西倉 在彭澤鄉三十里

北倉 在都盛鄉

新北倉 在都四十里

惠民藥局 在狀元坊去南五十步

義塚

彭澤縣

養濟院 在普明坊縣治南半里許久廢嘉靖間知縣曾棠柯遷相繼創修

便民倉 在縣治澄清坊

九江府志卷之八

十九

東倉 在太鄉

南倉 在五柳鄉

西倉 同上

北倉 在新興鄉

新南倉 同上

新北倉 在太平鄉

惠民藥局 在普明坊醫學內今圯

義塚 一在南門外一在東門外

兵防

軍政九江衛指揮千戶百戶鎮撫并軍舍餘丁實數據

原額六千四百九十六員名

今耗十分之四

見在三千七百七十二員名

月食糧一千八百九十八石三斗

指揮使

員五

指揮同知

員二

指揮僉事

員七

正千戶

員十二

九江府志卷之八

二十

副千戶

員十四

衛鎮撫

員一

所鎮撫

員四

百戶

二十
六員

軍政考格每五歲一選總於南直隸巡按御史庶幹者任之貪鄙者黜之厥人與事攸稱無濫

掌印指揮

員一

僉書指揮

員二

掌印千戶

員六

掌印百戶

舊五十八員
今減三之一

管屯指揮

員一

管屯千百戶

舊六員
今革

管操指揮員一

管造軍器指揮員一

管運指揮員一

管運千百戶員六

巡捕指揮三員
巡江二

總小旗軍二千一百三十五名

舍人四百七名

餘丁一千一百五十八名

在場操練軍舍餘丁一千八百三十七名

造器械軍五十三名

九江府志卷之八

巡捕軍餘三十四名

運糧軍餘一千七百一十六名

屯種軍舍餘四千四百八十八名
田地頃
畝并子粒數詳見賦役志

守門禁軍一百名

巡城守舖軍餘一百八名

漕船原額一百六十五隻
歲運糧弘治間安慶建陽等衛

將船二十五隻付本衛代之船衆糧多官軍遂至
困敝每歲京儲多失依期完納嘉靖三年兵備副
使謝迪建白于朝
上許之船歸該衛而數仍舊京儲始完而軍士亦

稍甦
矣

水戰船

大小共十九艘其制倣南畿水操者為之
正德七年兵備副使周廷徵以長江有寇扞
禦必假戰艦由是命工造之至十四年逆濠兵燬
殆盡嘉靖六年兵備副使何棐復其數守之以軍
士每月江中截流演習大者為營陣小者為奇兵
以翼之陣名偃月火箭神鎗專用干茲所謂南人
之長技沿江
始有備云

軍器

每季所造計
六千四十件

盔六十頂 甲一百六十付 腰刀一百六十把
斬馬刀四十把 圓牌八十面 撒袋一百八十
付 弓一百八十張 絃三百二十條 箭四千
八百枝 以上材料之費出自九江府者銀二百

九江府志卷之八

二十二

七十一兩四錢四分七釐出自九江衛者
一百二十一兩八錢年終造完轉解工部

民兵役夫民以防民也始於成化間今為定額限於糧

不限於戶積糧四十七石編僉一名每名顧募銀

七兩二錢郡之兵共六百名歲費銀四千三百二

十兩 兵以民之閑曠勇捷者為之無事則供差遣
有警則操弓矢雖於民資頗費而公家亦賴

其用
焉

德化縣

民兵

一百二十
十名

德安縣

民兵 一百二十名

瑞昌縣

民兵 一百二十名

湖口縣

民兵 一百二十名

彭澤縣

民兵 一百二十名

九江府志卷之八

二十二

城池九江府城舊築於**漢**鯨布也**唐**司馬白居易重修

宋知軍州事余龜**元**總管李黼各因圯新之

國朝洪武二十二年調京軍于茲開設直隸九江衛列

木為柵引水為濠而東北則用磚益繕治焉永樂

十年知府孔復指揮鍾信用磚包砌建五門覆以

樓城趾濬水竇六處宣德間知府余福以西北二

隅削進南隅補高成化間知府蘇致中牛本指揮

董綱等各再修飭弘治三年知府童潮更新各門

彰以扁東曰磐石西曰湓浦南曰迎恩北曰福星
東北曰望京正德六年兵備副使馮顯知府李從
正卑其制增高三尺十四年逆濠兵據殘毀者多
知府王念慈復如故嘉靖三年淫雨圯四之一兵
備副使謝迪經畫完之七年知府馮曾請諸當道
損者易之卑者復加三尺今制東西縱五里南北
橫四里周十二里二百二十四步崇二丈二尺有
奇城上寬廣可容騎射星列駁石以便投擊有重

九江府志卷之八

二十四

門門裹鐵葉內有兵馬司

每門二所左司住守門官軍右為灰庫今東南

二門司庫俱存西北二門各存其司東北望京門左司無恙而灰庫獨存其基焉

有砲樓

四有候軍城上警舖二十有八城中冷舖三十有

二夜邏其奸防守之制較昔益備

按是城負大瀆案廬阜甘棠二

湖之水繞於西南若有金湯之險若天造然守之得人屹然為東南之保障矣

德化縣附府城

德安縣城舊無正德十年旁邑多寇當道檄知縣陳
錦因時規為鼎築土垣一圍高丈許袤二里門五

座曰東曰西曰南曰北曰小西自是有備而民無

惴焉

瑞昌縣城舊無正德八年華林盜起知縣黃源大請

于總制都御史陳金城之四隅廣七百餘步厚六

尺高一丈四門以溝塹環之

知府黃相記曰城之作取備豫而已王公

設險以固其國城郭既完人民乃安有土者之道也然治安而兵革恬皆曰緩事也及一旦有警衆目睽睽相顧而語難思無以立懂於天下非無備而然耶瑞昌自南唐置邑迄今六百年顧未有城之者正德辛未姚源洞扇亂北賊亦浮舟南寇民心惶惶居弗寧野去者莫知所從知縣事黃

九江府志卷之八

二十五

源大多方撫禦仍以修城池申請總制江西左都御史陳公金繼申巡撫江西右副都御史任公漢皆行布政司及整飭九江兵備副使馮公顯下九江府從其請源太乃相時度地以城貴堅不貴廣規制七百餘武厚六尺高一丈覆以瓦立四門於往來之衝東曰安市西曰歸陽南曰仙湓北曰金露甃甃完固上有望樓以備哨瞭又有小南門以通德安水洞門以便民薪水城之外環以溝塹東西南三面瀕灤溪舊水路衝蕩下泄乾涸已久則築隄以回其流有水縈焉此則鑿岡嶺為塹與溪流合肇工於正德癸酉春竣事於是年之冬費出於區畫而民不告艱工出於儆募而民不告勞用力省而成功易民樂其成矣有備則無患善守則克全朔方城而獫狁襄韓城而追貊服申城而南土保春秋於城邢城楚丘必特書之以近事言之宋人城邕城廣城桂嶺南之民始奠其居大修

北諸城樓櫓相望然後并邊郡邑各能自立城果
緩事乎源大將滿九載去訓導謝廷侃因民心求
予言以記其事予惟攻心爲上攻城爲下晉陽之
城不浸者三版而民無叛意爲國固不專在於城
矣建是城者源大之功而所以守是城者在後人
之責源大在任久而善政多以非修城所繫故不
書

湖口縣無城險於山故也

彭澤縣治依鳳凰山其形如椅惟缺其前舊有土城
久圯游寇亦或侵之嘉靖三年兵備副使謝迪以
茲邑亦江南要地無備不可乃謀之撫按咸是其

九江府志卷之八

二十六

議令知縣李孟燾因舊址接鳳凰山築城一百七
十五步高一丈五尺加堞以石砌焉為門二覆以
樓六年知縣柯遷補築東南山隘空處甃堞如前
制復加二門東曰賓陽西曰大觀南曰文明北曰
拱辰屹然完整始足恃云

煙墩

正德間江上多游寇兵備副使馮顯十里
設墩一所蓋效邊陲之制濱江十有餘處

白石磯一

回風磯一

柘磯一

茭石磯

香爐墩一

時家路口一

官湖一

鳳凰山

高廟一
赤湖港一
近議者以爲江南地
形曲兀林木密蔽不便於瞭望况寇之來也以舟

楫乘風之便待舉烽火緩不能先
之此墩之設寔無濟於事今廢

九江衛

演武場

在府城東南隅內其地平曠利騎射廣屯聚人多便之正德七年兵備副使馮顯建廳六楹爲

較閱操之所廳北立義勇武安王廟至嘉靖元年兵備副使周廣令周圍築垣列柵爲門二年兵備副使謝迪以地卑下命指揮毛錦填高三尺屹然塏爽十一年兵備副使秦鉞於廳後開基鼎造敞亭三間重建王廟於亭後十三年兵備副使劉可扁廳曰翊文豎坊牌於廳前百步之外扁曰經武規制大備

德化縣

演武場附衛

時巡捕官率民兵於此演習鬪射行臺時臨較閱技勇優劣而賞罰之故其兵多健

九江府志卷之八

二十七

德安縣

演武場

在縣治南二里

瑞昌縣

演武場

在縣治東二里

湖口縣

演武場

在縣治東二里

彭澤縣

演武場

在縣治東一里以上各場講武俱同德化

關隘 德化縣

龍開河鎮 在湓浦門外一里許蓋江南要害之最設巡檢司於斯歲編弓兵六十名時察

往來暴客焉

城子鎮 去府西五十里大江之北舊有巡檢司今因之弓兵之數減龍開河鎮三分之一者

省民力也

南湖背鎮 在府治東四十里據彭蠡之口設巡司統弓兵五十名防邏湖蕩之鼠竊者

湖口縣

湖口鎮 在狀元坊去治南一里許弓兵如城子鎮數

九江府志卷之八

菱石磯鎮 在都盛鄉去治北十五里弓兵數亦如之

彭澤縣

峯山磯鎮 在長湫嶺去縣南三里許弓兵五十名

馬當山鎮 在太平鄉去縣南三十里濱大江之側弓兵同以上各鎮弓兵數雖有殊其

把守盤詰則如一

九江府志卷之八終